



Քաղ. գործ թիվ ՀԿԴ/0103/02/22

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱԿԱՎՈՌՈՒԴՑԻՈՆ ԴԱՏԱՐԱՆ

Ո Ր Ո Շ ՈՒ Մ

ՀԱՅՑԱԴԴԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ ԵՎ

ԳՈՐԾԸ ՊԱՐԶԵՑՎԱԾ ՎԱՐՈՒՅԹԻ ԿԱՐԳՈՎ ՔՆՆԵԼՈՒ ՄԱՍԻՆ

«22» դեկտեմբերի 2022թ.

ք.Երևան

ՀՀ հակակոռուպցիոն դատարանի դատավոր Կ.Բադալյանս՝ ծանոթանալով ՀՀ Արմավիրի մարզի դատախազության ներկայացրած հայցադիմումին և կից փաստաթղթերին,

Պ Ա Ր Զ Ե Ց Ի

ՀՀ Արմավիրի մարզի դատախազությունը հայցադիմում է ներկայացրել ՀՀ հակակոռուպցիոն դատարան ընդդեմ Հրայր Վահանի Հունանյանի՝ 241.000 ՀՀ դրամ հոգուտ պետբյուջեի բռնագանձելու պահանջի մասին:

Հակակոռուպցիոն դատարանում քաղաքացիական գործին տրվել է թիվ ՀԿԴ/0103/02/22 համարը և այն 20/12/2022 թվականին հանձնվել է դատավոր Կ.Բադալյանի աշխատակազմին:

Ուսումնասիրելով հայցադիմումը և կից փաստաթղթերը՝ Դատարանը գտնում է, որ հայցադիմումը ներկայացվել է ՀՀ քաղաքացիական դատավարության օրենսգրքի (այսուհետ նաև՝ «Օրենսգրք») 121-րդ, 122-րդ հոդվածների և «Ապօրինի ծագում ունեցող գույքի բռնագանձման մասին» ՀՀ օրենքի 20-րդ հոդվածի 1-ին մասի պահանջների պահպանմամբ, առկա չեն Օրենսգրքի 126 և 127-րդ հոդվածներով նախատեսված՝ հայցադիմումի ընդունումը մերժելու կամ այն վերադարձնելու հիմքեր, հետևաբար հայցադիմումը ենթակա է վարույթ ընդունելու:

ՀՀ քաղաքացիական դատավարության օրենսգրքի 165-րդ հոդվածի 1-ին մասի համաձայն՝ հայցային վարույթի գործերով նախնական դատական նիստի անցկացումը պարտադիր է, բացառությամբ այն դեպքերի, երբ դատարանը գործը քննում է պարզեցված վարույթի կարգով կամ կիրառում է արագացված դատաքննություն:

ՀՀ քաղաքացիական դատավարության օրենսգրքի 297 հոդվածի 1-ին մասի համաձայն՝ առաջին ատյանի դատարանը որոշում է կայացնում գործը պարզեցված վարույթի կարգով քննելու մասին, եթե ներկայացվել է նվազագույն աշխատավարձի երկուհազարապատիկը չգերազանցող գումարի բռնագանձման պահանջ:

Տվյալ դեպքում ներկայացվել է 241.000 ՀՀ դրամի բռնագանձման պահանջ, որը չի գերազանցում նվազագույն աշխատավարձի երկուհազարապատիկը՝ երկու միլիոն ՀՀ դրամը, հետևաբար գործը ենթակա է քննության պարզեցված վարույթի կարգով:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 124-125-րդ, 199-200-րդ հոդվածներով՝

Ո Ր Ո Շ Ե Ց Ի

ՀՀ Արմավիրի մարզի դատախազության հայցադիմումն ընդդեմ Հրայր Վահանի Հունանյանի՝ 241.000 ՀՀ դրամ հոգուտ պետբյուջեի բռնագանձելու պահանջի մասին, ընդունել վարույթ և քննել պարզեցված վարույթի կարգով:

Թիվ ՀԿԴ/0103/02/22 քաղաքացիական գործով կայացվող եզրափակիչ դատական ակտը կիրառարակվի 2023 թվականի մարտի 01-ին՝ դատական իշխանության պաշտոնական կայքի միջոցով:

Որոշումն ուժի մեջ է կայացման պահից և ենթակա է բողոքարկման:

ԴԱՏԱՎՈՐ



Կ. ԲԱԴԱԼՅԱՆ